

癸

巳

類

稿

竝配義

古天子諸侯一娶故廟無二嫡晉書禮志陳舒議唐書韋公肅傳竝云自秦以來有再娶前娶繼娶皆嫡也生以正禮沒不可貶兩祔無嫌古繼以媵妾今以嫡妻不宜援一娶爲比朱子語錄云古以媵妾繼室故不容與嫡竝配後世繼室以禮聘娶自得爲正故唐會要中載顏魯公家祭有竝配之儀而伊川止以元配配食繼配祀於別室於義未安蓋依陳舒韋公肅義案喪服小記婦祔于祖姑祖姑有三人則祔于親者是三婦皆祔漢則一帝一后故漢光武黜吕后始祔薄后至唐開元時先祔生母竇后後又祔嫡母肅明皇后則竝祔之始也宋時有三后四后竝祔者矣人邪論謂當上法三代不宜取則明皇元史遼魯曾傳云武宗廟后主伯顏欲以明宗母配魯曾欲以真哥皇后

配陳顥引唐太宗冊曹王明之母爲后事魯會謂太宗不足法
義言不除爲三代妾造故實所以堅持一帝一后之說致有明
憲宗不欲嫡母錢氏合葬慮妨母后周氏者是子廢嫡母也又
有黜其繼母如伊川祔祖母崔氏而不使繼祖妣崇國太夫人
合食者是祖以爲妻孫不以爲祖母也又或竝生母亦違心黜
之如明孝宗爲周后別立廟者是子奉生母而孫黜其生祖母
也又或無所顧忌安而行之不使婦人主入廟者則不論母與
繼母生母概使之僭而違魯會之辨舉與哥皇后及明宗文宗
二母后而不及正位之速哥失里及宪者歹二皇后又唐太宗
廟實未以曹王明之母配且未冊立而陳顥妄言魯會妄辨三
代以下議禮者徒爲不誠也

○唐律疏議跋

唐律爲舊律之最全者有疏議又有王元亮音釋附宋金元法
元泰定四年江西刻本也明洪武時命儒臣同刑官講唐律日
進二十條定大明律篇目一準於唐此法家最可寶貴之書若
明律疏議不及明會典之詳矣此書名疏者申明律及注意云
議者申律之深義及律所不周不達若董仲舒春秋決獄應劭
決事比及集駁議之類明律疏議則無之徒冒其名耳律自
當有學漢志不收漢律者以律不在中秘刑法自有志而法經
漢律馬鄭諸儒皆有章句魏太和三年置律博士時儒說十餘
家劉廙傳劉劭傳盧毓詔但用鄭氏章句不得雜用餘家魏志
衛觐傳云明帝太和時覲言九章之律自古所傳斷定刑罪其
意微妙百里長吏皆應知律刑法者國家之所重貴而私議之

所輕賤獄吏者百姓之所懸命而選者之所卑下王政之弊未
必不由此也請置律博士轉相教授事遂施行漢昭烈亦言少
從鄭康成論說治道備矣獨不及赦諸葛丞相文集答惜赦引是鄭注最備
唐律之注不能純用太和制然鄭義多在其中不可廢也晉用
武帝外祖王肅之言盡廢鄭義張斐杜預各有律注一章之中
兩家所處生死頓異齊永明中參議一之蓋南北各議如尚書
北朝鄭本江南枚本唐律本隋由魏而周而隋有淵源也南朝
孔稚圭言古之名流多有法學今之士子莫肯爲業縱有習者
世議所輕將恐此書永淪胥吏之手請立律學助教不果行至
隋經籍志並漢志法家李子亦無之豈非儒者讀萬卷書不讀
律乎唐置律學取士有明法科士稍習之五代史刑法志云周
顯德五年七月大周刑統勒成其有文理深古慮人疑惑者別

以朱字訓釋其用意甚厚今唐律疏義有釋文亦是此意朱元祐二年司馬光言律令敕式當官所需何必置明法一科使豫習之蓋失言矣司馬學通古今作此言者蓋惡律深刻然不豫習之當官所需取給一時貽害益大金史張汝霖傳云有司言民間收藏制文恐因而滋訟汝霖言法制欲使易避難犯私家收之則曉然不敢爲非亦助治之一端也且隋煬帝紀殺人至三日明人年譜猶記劉瑾三日四千七百刀鄭鄞三千六百刀之法鄧士龍國朝典故後鑒錄記劉瑾沈德符野獲編記徐正俱云凌遲三日魏志有配樂戶明時猶發教坊則唐時實行之而律無其文然則誠讀律慎守之陷網之民猶有所措手足且周興來俊臣之杖棒枷鎖劉守光之鐵籠鐵廠均出律制之外以唐律論唐事已如此其可慨也朝野僉戴言趙公長孫無忌

奏別敕長流以爲永例後趙公犯事亦敕長流嶺南至死不復
迴此亦爲法自弊趙公卽進疏議者值武后得志專讎正人又
不當置論也嘉慶丁巳十二月丙申書

阿布思論

舊唐書元宗紀云天寶元年八月丁亥突厥阿布思及默啜可汗之孫登利可汗之女相與率其黨屬來降九月辛卯御華萼樓出宮女宴毗伽可汗妻可登及男女等檢突厥傳則默啜毗伽登利三世皆殂所云默啜孫者勃德支特勒也所云登利女者余燭公主也所云可登者毗伽妻登利母也所云男女者可登從子勃德支特勒長子伊然可汗小妻余塞苟女大洛公主及孫女余燭也阿布思者其九姓首領也唐史無傳其事散見諸紀傳舊唐書元宗紀云天寶十一載三月朔方節度副使奉信王阿布思與祿山不協乃率其部下叛歸漢地所云漢地蓋漠北之謂十二載二月國忠誣故相李林甫陰結叛胡阿布思貶林甫二子及其黨十三載三月壬戌北庭都護程千里擒阿

布思御樓受之斬於朱雀街舊唐書程千里傳云阿布思內附
隸朔方軍李林甫領節度用爲副後詔移其部於幽州素與祿
山隙乃叛歸磧北數爲邊患命千里討之十二載十一月擒之
並其妻子十三載三月上御勤政樓受之斬於朱雀街新唐書
安祿山傳云祿山忌布思才不相下欲襲取之故表請自助布
思懼而叛轉入漠北祿山厚募其部落已得布思衆則兵雄天
下愈偃肆新唐書肅宗女和政公主傳云阿布思妻隸掖庭帝
宴使衣綠衣爲倡公主諫曰布思誠逆人妻不宜近至尊無罪
不可使與羣倡爲伍帝爲免出之合諸文觀之阿布思之事以
明公主元宗孫女也帝宴當在天寶十三載三月以後十四載
十月以前國忠昏狂助祿山攻阿布思李林甫十三載正月祿
山聞擒阿布思始入朝觀彙三月帝殺阿布思始歸范陽明年

十一月遂反元宗亦不復能宴矣和政公主設爲逆人及無罪兩辭蓋深憐阿布思而深惡安祿山當時官掖亦知祿山必反父子祖孫之間元宗亦不采納昧於祿山之防其時若此者多矣若以常情言之唐時隸掖庭爲倡者皆迎人家中和政少長官掖豈當作此不達之論也

舊唐五代史樂志下後

周王朴精律呂之學合秬黍造尺進之檢史傳志歐史傳五代會要均莫從比得其尺度惟玉海有之尺度不同誠得一尺實數則可互求得之了然心目耳說者紛糾失其數也所當知者一禮記尺一隋志尺一玉海尺禮記云古者以周尺八尺爲步今以周尺六尺四寸爲步鄭注云周尺之數未詳聞也案禮制周猶十寸爲尺蓋六國多變亂法度或言周尺八寸據鄭言知六國及漢一尺當周尺八寸漢尺依食貨志一貨泉當一寸又累十黍合推周尺可以無疑周尺漢尺最易知史言秦用六寸爲尺數用六取周尺六寸當六國時周尺七寸五分六國時周尺者古名咫說文云咫八寸周尺也是周時別自有咫尺尋仍常周初不名以丈尺義易明也儒說殷尺十二寸亦以漢寸目

之依漢尺當周尺八寸則周尺得漢十二寸五分百二十五黍
合十二天數也鄭以似殷疑之故云周數未詳聞淮南子天文
訓云十二粟爲一粟十二粟當一寸則尺百二十粟當是殷制
若六國變通取尺爲尺則其寸短累十爲尺卽漢尺也漢志不
言漢自造尺是可證也聘禮疏引鄭論語序云六經策二尺四
寸孝經一尺二寸論語八寸鹽鐵論云二尺四寸之律而漢書
杜周傳三尺法是二尺四寸卽三尺知六經是三尺孝經尺半
論語尺策言尺者以咫言之言尺寸者就六國前古雅名也或
以六國截周八寸不更分十寸如此鄭顯見周八寸何見八不
能詳十乎漢志十黍爲一寸一黍爲一分說苑一粟爲一分易
緯通卦驗一馬尾爲一程十程爲一分累黍古亦不同累合黍
長者十黍當一貨泉同西漢尺考樂則周亦止用百黍之尺璧

圓九寸其羨者長十寸廣八寸典瑞云璧羨以起度攷工記云
璧羨度尺十寸八寸皆尺一證也蔡邕云周尺八寸二證也晉
書隋書志云周尺劉歆銅斛尺同三證也秦水德用六寸周木
德用八寸四證也謂周無百黍之尺則四說不可通周無百二
十五黍之尺則禮以周尺六尺四寸爲步之說不可通是周尺
二度或言周尺當漢尺八寸思之數年悟其非也然則百二十
粟殷尺也百二十五黍周尺也百黍周尺也六國時周尺也漢
尺也七十五黍秦尺也此合經緯史證之後人所謂周尺皆六
國時周尺隋書律歷志審度云今略諸代尺度一十五等一周
尺漢志王莽時劉歆銅斛尺後漢建武銅尺晉泰始十年荀勗
律尺祖沖之所傳銅尺二比晉前尺一尺七釐晉田父玉尺梁
法尺三比晉前尺一尺二分二釐一豪有奇梁表尺四比晉前

尺一尺三分七釐漢官尺晉始平掘得古銅尺漢章帝時零陵
冷道縣舜廟下玉律所度尺五比晉前尺一尺四分七釐魏杜
襲調律尺六比晉前尺一尺六分二釐晉氏江東所用爲晉後
尺七比晉前尺一尺二寸七釐後魏前尺八比晉前尺一尺二
寸一分二釐後魏中尺九比晉前尺一尺二寸八分一釐後魏
後尺後周市尺開皇官尺十比晉前尺一尺五寸八釐東魏中
尉元延明用黍半周之廣累黍尺十一比晉前尺一尺一寸五
分八釐漢蔡邕銅侖尺後周玉尺十二比晉前尺一尺六分四
釐宋氏尺錢樂之渾天儀尺後周鐵尺開皇初調鍾律尺平陳
後調鍾律水尺某誤水爲木謂以木爲尺始此可云奇謬齊梁陳制樂尺十三比晉
前尺一尺一寸八分六釐開皇十年萬寶常所造律呂水尺亦
是漏水十四比晉前尺一尺五分雜尺趙劉曜渾天儀土圭尺十

五比晉前尺一尺七分一釐梁朝俗間尺又云第二等周銅尺在南朝主衣所掌齊東昏用爲章信蕭餘依制爲新尺以製笛第三等陳亦用之隋大業中以之調律以制鐘磬等入音樂器晉書律歷志云古法七品一日姑洗玉律二曰小呂玉律三曰西京銅望臬四曰金錯望臬五曰銅斛六曰古錢七曰建武銅尺姑洗微強西京望臬微弱其餘與荀尺同梁武帝鍾律緯亦云然其十四等今皆不見僅有古錢耳嘉慶七年春過曲阜見公府建初銅尺銘云慮愓銅尺建初六年八月十五日造合百四黍少弱蓋後漢官尺晉律歷志言後漢尺長或官尺依舜廟玉律造者今在第四等其第一等黃鍾容黍八百八粒第四等容九百三十九粒第十等容二千八百六十九粒晉書摯虞傳云陳緄掘地得古尺尙書奏今尺長於古尺虞言今尺長於古

尺幾半寸律歷志謂今尺者杜夔尺也則所謂古尺者合於荀
尺宋書樂志云阮咸譏荀新律聲高出爲始平相時掘地得古
銅尺今亦在第四等或亦建初尺類也玉海引五代會要云顯
德六年正月樞密使王朴依周法以秬黍較定尺度長九寸虛
徑三分爲黃鍾之管與見在黃鍾之聲相應以上下相生之法
推之得十二律管乃進所定尺所吹黃鍾管又云洛州累黍尺
與太府布帛尺比王朴律準尺長三寸二分強又云王朴律準
尺比漢錢尺長二分有奇又云王朴律準比晉前尺長二分一
釐比梁表尺短一釐一豪又云三司布帛尺比周尺一尺三寸
五分賴所引三司布帛尺及漢錢尺梁表尺相比而得尺度知
王朴律準又案振宮小牘云景祐元年九月帝御觀文殿詔取
王朴律準觀視御筆篆寫律準字於其底復付太常祕藏本寺

模勒刻石於廳事博士爲之銘東都事略高若訥傳云以漢貨泉度一寸依隋書定天下古今尺十五種上之藏於太常寺積資治通鑑長編言景祐三年秋七月己亥所上玉海引實錄亦同然玉海所比周尺漢錢尺晉前尺梁表尺依東都事略則皆高若訥所造進漢錢可據今幸有其數以知王朴律準當貨泉尺一尺二分一釐當建初尺九寸八分一豪強當今工部鐵尺七寸六分五釐五豪則灼然可據建初尺的是舜廟玉律尺度當是章帝時官尺嘗見仿鑄者摹刊者揚者忽長忽短又或作說作攷作跋作辨或以爲周尺或以爲卽建武尺皆不可信乙丑正月燈節書於拜斗殿寓舍

。書五代史馬綯傳後

後唐長興三年二月令國子監依石經文字刻九經印板賣之。見五代會要以前或寫本或搨石經本也。先是唐有雕印佛經見司空圖敬愛寺募雕刻律疏吳蜀有鬻印板文字色類極多。又張參五經文字先已有印本文選亦有印本而經書之刻則實始此。馮道與有力焉。檢薛歐五代史本紀及馮道李愚馬綯等傳皆無之時未久未覩其利故忽略之。漢隱帝時國子監奏雕造周禮儀禮公羊穀梁時方開此四經計自長興三年四月始校正開雕至周廣順三年六月田敏奏進印板書一百三十二冊則九經正文及五經文字九經字樣皆告成。宋洪邁容齋續筆言其家有廣順三年周禮卽是初本又有顯德六年經典釋文案會要釋文乃顯德二年二月雕造者蓋二年造六年始述

工又五代漢臣楊邠傳晚年知史傳有用乃謀更傳寫知自後唐至漢周止有雕印經書字書未有史也史記漢書及後漢書宋淳化中始有官刻本。侈言收藏者謂有唐以前經史板本非也陸深燕閒錄引隋開皇十三年十二月八日敕廢像遺經悉令雕撰以爲印書之始此敕見刪於隋書及北史且雕琢謂神像撰集謂經帙不關印書又檢唐書褚無量傳云舊庫內書遺逸諸籍寫刊校以宏經籍之遺其云刊校謂刊改校正所繕寫之書也均與刊板不同讀者不察古今語言文同義異之致乃疑古事矣

書舊五代史僭偽列傳三後

史稱昶母李氏本莊宗嬪御以賜知祥唐天祐十六年歲在己卯十一月十四日生昶於太原宋史世家亦云己卯十一月昶生薛史從承樂大典輯出其誤者加案訂正此案云花蕊夫人宮詞法雲寺裏中元節又是官家降誕辰昶當七月十五日生其說恐不然也宋廖瑩中江行雜志言王平子所記花蕊宮詞二十八首成都文類王平甫校書得夫人親筆三十二首俱無此二語疑此屬王建時矣王建薛史已軼今所輯者自冊府元龜無建生日惟洛中記異錄云蜀王建屬兔有兔子上金牀之讖陸友仁研北雜志云余生平見黃荃畫雪兔凡三四本蓋偽蜀孟昶卯生每誕辰荃卽畫進是建及昶皆屬兔荃以雪兔進昶則史言昶以十一月生無疑法雲寺語非此花蕊夫人作不

說昶也蔡條鐵圍山叢談言花蕊夫人蜀王建妾也後號小徐
妃者大徐妃生王衍孟氏再有蜀傳至昶則又有一花蕊夫人
作宮詞者是也國朝降下西蜀夫人隨昶歸中國至十日召入
宮中而昶遂死昌陵後亦惑之嘗造毒屐爲思不能遂太宗數
諫未能去一日從上獵苑中花蕊夫人在側太宗方調弓矢引
滿擬走獸忽迴射夫人一箭而死其語頗具本末王鞏聞見近
錄則云金城夫人頗恃寵侍太祖宴太宗顧庭下曰夫人親折
此花來乃飲太宗乃射殺之所聞異詞也吳曾能改齋漫錄則
云蜀僞主孟昶納徐匡璋女號花蕊夫人言似花蕊卿輕又升
號慧妃如其性也國亡太祖命別護送途中作詞云初離蜀道
心將碎離恨綿綿春日如烟馬上時時聞杜鵑三千宮女皆花
貌妾最嬋娟此去朝天只恐君王寵愛偏陳無已言夫人姓費

誤也陶宗儀輟耕錄亦云蜀主孟昶納徐匡璋女號花蕊夫人
意花不足擬其色似花蕊之黝輕也或以爲姓費誤矣按吳陶
二說真誤孟蜀花蕊夫人卽宋金城夫人自姓費其徐氏乃王
建花蕊夫人建納成都二徐事具蜀檮杌何因以爲孟蜀乎妾
最婢娟語輕薄子所撰太平清話謂半閨爲軍騎促行後人續
成之其言命別發送與聞見錄云頗恃寵何光遠鑒戒錄妄詆
徐后皆誣覺不成人美者也陳無已后山詩話云費氏蜀之青
城人以才色入蜀宮後主嬖之號花蕊夫人教王建作宮詞百
首國亡太祖召使陳詩誦其國亡詩曰君王城上豈降旗妾在
深宮那得知十四萬人齊解甲更無一箇是男兒嘗誦其詩而
悲之知造毒之志不渝也而鑒戒錄謂此詩爲王承旨作其意
不欲人稱美花蕊耳王蜀亡時衍母花蕊夫人及妾劉氏皆誣

蜀史補遺 卷之十一
頸受死事具於史昶花蕊夫人恩報仇志則可尚五代十五國
加以契丹劉守光李茂貞其時所謂君臣蓋莫適主矣幽鬱之
思鍾於女子嗟歎之忱故非以憐才也惟蔡絛亦有誤謂大徐
妃生王衍衍乃小徐妃所生正建花蕊夫人子也衍時小徐妃
爲太后大徐妃爲太妃太后太妃及衍遊青城皆有詩載蜀檮
杌太妃詩最工云翠驛紅亭近蜀京夢魂猶是在青城此來出
看江山景却被江山看出行后山詩話言蜀昶花蕊夫人姓
費自不得涉二徐也其言費宮詞百餘首中山詩話成都文類
則三十餘篇江行雜錄言二十八首俗多混以建時徐作兩花
蕊夫人皆在蜀皆有宮詞皆爲國死王建孟昶又皆屬免著書
者又皆自以爲是故難明也

書唐鑑後

唐鑑二十四卷者呂洙分范書一卷爲兩卷范論文筆近弱其以唐稱天可汗非君臣之禮司徒司空乃六卿非三公叔嫂弟妻夫兄小功爲私意朱璟抑郝靈筌功爲得大臣遠慮可云偏私然他篇文具懇懇之致真儒雅氣象也有治人無治法後儒或非之然此是荀卿文魏黃門侍郎杜恕論考課云世有亂人無亂法亦用荀文范在通鑑局中十五年深悉唐代治亂得失之由時以唐鑑公目之致崇寧二年夏四月乙亥詔毀刊板唐鑑可云奇厄乃有所謂不虞之譽者宋四明僧志磐作佛祖統紀有云歐陽脩宋祁范鎮修唐書如高僧元奘神秀諸傳在方伎傳者以至貞觀爲戰士建寺薦福之文並削之有淨因自覺禪師初學於司馬光嘗聞光言曰永叔不喜佛舊唐史有涉其

事者必去之嘗取二本對校去之者千餘條因曰駕性命道德之空言者韓文也泯治亂成敗之實效者新書也范祖禹聞光言乃更著唐鑑陰翊新書之闕其說甚怪檢舊唐書佛事並無千餘條唐鑑三百六條亦不說神秀元奘薦福事至貞觀三年閏十二月各交兵虞建寺則舊新唐書皆有而唐鑑反無之僧徒虛言誣司馬光誣歐陽脩宋祁范鎮誣范祖禹於舊唐書新唐書唐鑑盡誣之何爲乎近有章嘉喇嘛者言佛於薄伽梵般涅槃時以無上法付屬羅漢止十六人其搭拉荅拉及花上二人乃唐史所增唐史無此語是又一周書異記法本內傳矣

書宋志真宗永定陵事後

宋真宗陵禮志云山陵拔行使監繼宗言據司天監定永安縣東北六里曰卧龍岡堪充山陵詔雷允恭覆按以聞皇堂之制深八十一尺方百匹十尺制陵名曰永定自乾興元年四月十六始事至十月十三掩皇堂中有變革志多遺漏仁宗紀云乾興元年二月己未真宗崩庚申命丁謂爲山陵使六月己酉命王曾按視山陵皇堂庚申雷允恭坐擅移皇堂伏誅丁謂罷甲子改命馮拯爲山陵使七月丁卯貶丁謂九月己卯命以天書從葬十月己酉葬永定陵丁謂傳云爲山陵使雷允恭邢中和擅易皇堂地旣而咸請復用舊地王曾覆視遂誅允恭乃降謂雷允恭傳云爲山陵都監馳至陵下邢中和言今山陵上百步法宜子孫類秦王墳恐下有石與水允恭曰上無他子若知秦

王墳何不可中和曰山陵事重踏行覆按動經日月恐不及七月之期允恭曰第移就上穴我走馬入見太后言之既而上穴果有石石盡水出允恭賜死王曾傳不言覆按事馮拯傳言爲山陵使不言復定何處蓋仍用卧龍岡下穴然亦有水又不宜子孫故仁宗深仁厚澤在位長久而無子又本宗橫宮禮志云於永思陵下宮之西修奉橫宮上陵名曰永阜朱子傳云趙彥逾按視言會稽土內淺薄下有水石孫逢吉覆按請別求吉兆有旨集議疏言當博訪名山不宜偏信臺史委之水泉沙礫之中檢朱子文集言趙彥逾稱舊定神穴闊深五尺下有水石臺更荆大壑稱未制趙姓納音宜丙山王向新定東頭之穴比先定神穴高一尺一寸五分開深九尺卽無水石穴鑿已多地氣發泄近年地理之學江西福建尤盛請下帥臣監司搜訪令相

視然紹熙五年十月初九日得旨集議十一月乙卯卽行攢事

在寧宗時寧宗亦無子明孝宗陵亦實有地水九朝野記云初
建泰陵都下盛傳其地有水吏部主事楊子器言之時督工太
監李興持之遂下楊錦衣獄有起復知縣邱泰上言萬一梓宮
葬後欲開則泄氣今視水有無其疑可釋乃遣太監蕭敬押楊
往視回奏無水衆謂楊必死太皇太后曰無水則已何必罪之
無用間談云泰陵金井內有水孔如巨杯水仰噴不止楊名父
見之疏請易地工部尚書李燧謂楊多言害成功令人塞其孔
以楊誣謫奏命錦衣官校押楊往驗無之楊有詩云羣議已公
須首實衆言不發但心知其後王衡亦有詩云千禩泰陵抔土
濕登臺北望一沾裳其事史紀志不言散見日下舊聞其後孝
宗子武宗亦無子又嘉靖時錦衣指揮趙俊視承天顯陵元宮

有水卒不改以太后祔葬豈以顯陵發祥不礙見水耶萬厯時
李植江東之言大峪有石廳尚鴻言大峪開時元宮有水工臣
用火灸乾不使上知此神宗定陵也其後荒矣日下舊聞又言
龔佳允稱思陵墳開地甚濕其中衣被諸物多黦黑按田貴妃
以崇禎十七年正月二十三日葬四月初四開物已黦變其葬
骨不安可知以此見術不可不慎也

宋會要輯本跋

嘉慶甲子秋日輯十神太一事讀宋史理宗紀寶祐二年九月辛酉詔詣西太一宮爲國祈祥起居郎牟子才再疏諫止檢牟子才傳帝將幸西太一宮款謝實欲遊西湖爾子才力諫止又劉黻傳云建西太一宮倭者言太一所臨分野則爲福近歲自吳移蜀西北坤維五六十州安全者不能十數降敗者相繼福何在是西太一宮在西湖建於理宗時禮志止紹興十一年臨安城東太一壇壝及孝光兩朝增殿屋求西太一宮不可得又苗訓傳子守信言至道二年以前太一經寇宮分木神太一臨井鬼屬秦雍分及梁益之地民罹其災來歲木神太一入燕分意疑之以志傳不詳思得宋會要按宋仁宗時武經總要已引會要之文陳振孫書錄解題云慶歷四年成八十五卷是也程

俱麟臺故事修纂云慶厯四年章得象上新修國朝會要百五十卷晁公武讀書記同名爲三朝國朝會要至熙寧十年則爲六朝國朝會要三百卷林駟決科古今至論前集卷四云會要自建隆至慶厯百五十卷由慶厯至熙寧三百卷李心傳朝野雜記云紹興時書籍殘闕小校唐開得王珪所編五朝會要則合建隆至治平其後又分慶厯至熙寧爲一部決科至論云元豐至政和爲續修會要不知卷數洪邁容齋隨筆云國朝會要元豐時三百卷宣和時進百十卷餘四百卷局中節次嚴賞故未及上王黼奏罷之書錄解題有續會要三百卷則起元豐至靖康南渡後追輯者疑卽決科至論所云政和之續修會要此北宋之會要也決科至論云建炎至紹興爲中興會要書錄解題云中興會要二百卷自建炎元年止紹興三十二年宋史李

心傳傳云十三朝會要端平三年成書書錄解題云國朝會要總額五百八十八卷李心傳所編合刻於蜀中其板今在國子監玉海藝文云嘉定國朝會要五百八十八卷蓋卽此書宋會要書錄解題五種決科至論四種通志二種通考六種章如愚羣書考索云宋會要有王洙王珪蔡攸江士猷及淳熙時本所列各不同又南宋會要理宗紀有淳祐十一年二月鄭清之上會要寶祐二年八月謝方叔上會要度宗紀有咸淳四年八月奉安寧宗理宗會要禮志告禮云淳祐五年進光寧兩朝會要咸淳四年安奉寧宗理宗兩朝會要三書參差錯見諸家皆不及之宋史藝文志所收書至雜獨不及會要疑其書元時亡矣然玉海及小學紺珠皆載宋會要目二十一類陳均皇朝編年備要其引書目有皇朝會要續會要而其書平敘不辨何條爲

會要文孔平仲珩璜新論云按會要本朝廣漢之後也蓋帝號
中文玉海輿地紀勝宋史禮志等引會要至多羅願新安志董
史皇宋書錄胡三省通鑑注李心傳直閣證誤藩鎮進奏官引
皇朝會要翰林學士引三朝會要宗子獨銜不著姓指揮引中
興會要岳珂愧鄉錄引會要續會要中興會要又有典故國朝
典故且引會要注宋人夢梁錄引會要祠祀數事洪遵翰苑叢
事有國朝會要十一事續會要六事慶元漢書本校錄引國朝
會要淳化咸平景德景祐詳定字數程大昌考古編御藥院謂
會要不詳所自姚寬西溪叢語載高昌行記亦引會要皆有目
類可歸汪君文臺又詒余以宋王彌大所著清溪弄兵錄引續
會要二百五十三卷中千三百餘字尤喜錄存之讀元史禮志
其議多引宋會要始知其書元時猶存明時文淵閣書目宙字

號第二櫺有宋會要一部二百三冊缺宏治時新安續志引宋會要云出金之州十顧祖禹讀史方輿紀要引宋會要梁克家中興會要則其書明時猶存今官書著錄存目皆無宋會要而官書

盛京通志引宋會要十餘條崇文總目提要引續宋會要乾隆時

武英殿刊宋史三百九卷兩王延德考證云宋會要謂大名人使高昌者爲于延德是今官有其書何以不著錄或轉從他書引證如于延德之宋會要必出於西溪叢語又疑今無其書乃銳意輯之偶檢鎮江府志其開新河引宋會要天聖七年五月詔徐乾學讀禮通考書目有宋會要及五禮通考中宋會要至多全祖望先經字據跋亦引宋會要或冀今有全書而余所輯

者已五卷矣疑信之間或作或輟良可歎也會要始於唐唐段公路北戶錄已引之藝文志有二本今不傳今所傳唐會要五代重輯本也漢會要亦後人重輯者金亦嘗作會要金史張行簡傳云今有國朝集禮至食貨官職兵刑沿革未有成書乞定會典以示無窮惜書未成其云乞定會典乃明時監板校刊者誤改漢唐五代宋會要金人習聞之元有典章明人合會要典章二書始名之爲會典金人必不先造會典之名明祭酒監生之陋者不知會要之目乃以意筆改古文關支學俸矣嘉慶庚辰四月二十五日略釐次序之因記其緣起於後

徐松曰宋會要世無傳者余於永樂大典中輯出無慮五六

百卷

宋顏秀獄論

宋史仁宗本紀慶曆八年閏正月辛酉親從官顏秀等四人夜入禁中謀爲變宿衛兵捕殺之後亦置獄迄今不知爲何事兵志刑志俱無之丁度傳云衛士爲變樞密使夏竦請御史與宦官同於禁中鞠之不可滋蔓令反側者不自安度請付外臺帝從竦言此獄詞之所以不傳然竦議是也曹皇后傳云衛卒數人爲亂夜越屋叩寢殿帝欲起后擁帝呼都知王守忠引兵入賊縱火焚簾后遣人挈水滅之是夜所遣宦侍皆親剪其髮曰行賞以是爲驗賊卽擒滅史無王守忠傳其宦者任守忠傳則言仁宗時爲人內都知而不記此事宦者王中正傳則云衛士之變中正援弓矢卽殿西督捕射賊悉就擒遷殿頭供奉意是后呼都知任守忠而擒賊則王中正任守忠未有功故傳不言

而后傳王守忠則轉寫之訛也夏竦傳云親事官夜入禁中欲
爲亂領皇城司者皆坐逐獨楊懷敏降官領入內都知如故言
者以爲竦陰結曲庇之胡宿傳云宿言懷敏管幹皇城司公事
逆徒旣獲又不生致規滅姦人之口何鄉傳云帝言懷敏實先
覺察宜有所寬則皇后閣中實懷敏來告變其賊又係中正射
死不得謂竦庇懷敏也何鄉傳云夏竦倡言貴妃之功諫官王
贊遂言賊根本起於皇后閣請究其事冀搖動中宮而陰爲妃
地帝以語鄉鄉曰此姦人之謀也乃止不究張貴妃傳張堯佐
傳皆無其事蓋楊懷敏直貴妃閣故以懷敏先覺察爲貴妃功
其時仕宦氣稟臨探刺秘獄各倡一說以自表而獄情究以獄
秘不盡知也曹皇后傳云賊傷宮嬪殿下聲徹帝所宦者以乳
媼擊小女子給奏后叱之曰賊在近殺人敢妄言耶則宦侍實

有與顏秀通者傳又云閣內妾與卒亂帝貸其死后具衣冠見
帝不坐立請誅之后蓋有所懲顏秀事蓋姦淫故終秘之今核
諸文得其概且以見其時譎詖張貴妃者之妄不可信也

地丁原始

順治初年一千六十三萬餘口

順治九年一千四百四十八萬三千八百五十八口

順治十八年二千一百六萬八千六百九丁

康熙二十一年一千九百四十三萬二千七百五十三丁

康熙二十四年二千三百四十一萬七千四百四十八丁

康熙四十九年二千三百三十一萬二千二百餘口

康熙五十年二千四百十七萬九百九十九丁

謹案此年丁數爲地丁之根安徽百三十五萬七千八百二十九丁徽州府二十一萬四千二百二丁黟縣一萬二千三百八十六丁依

大清會典

雍正
年本

大清會典則例

乾隆

大清會典事例

嘉慶

欽定授時通考

皇朝三通戶部則例如此

萬壽盛典初集安徽撫屬舊管新增開除抵補外實在人丁一百四十一萬七百五十九丁新宣等十二衛舊管新增開除抵補外實在八千六百一丁共一百四十一萬九千三百六十丁其數附於五十二年後蓋五十一年丁數也

康熙五十一年二月壬午

二十九年九月

諭將直隸各省現今徵收錢糧冊內有名人丁永爲定數嗣後所生人丁免其加增錢糧但將實數另造清冊具報豈特有益於人亦一盛事也

康熙五十二年三月十八日

萬壽恩詔但據康熙五十年丁冊定爲常額續生人丁永不加賦

康熙五十二年二千四百六十二萬二千五百二十四丁又一萬九千二百二十丁

康熙六十年二千七百三十五萬五千四百六十二丁

雍正二年二千四百八十五萬四千九百十丁

雍正四年

諭丁糧派於各地糧內以雍正五年爲始

謹案滋生丁多是年直省七十以上至百歲以上老民老婦一百四十二萬一千六百五十二名可謂極古今太平之盛矣滋生丁永不加賦額丁子孫多寡不同或數十百丁承納

一丁其故絕者或一丁承一二十丁或無其戶勢難完納康熙五十三年御史董之燧請統計丁糧按畝均派部議不便更張而止然舍此更無長策故廣東四川兩省先行之雍正元年直隸撫臣請行之二年山西撫臣請行之三年山東撫臣請行之五年竟通行之安徽丁糧自五錢一分九釐至五分不等鹽鈔一丁九釐四毫零合之地畝安徽地丁銀二十萬七千八百八十五兩八錢三分二釐一毫零今會典事例言畝派一釐一毫至六分二釐九毫零不等其徽州丁賦畝銀一錢五釐零休寧一錢一分八釐零婺源一錢四釐零祁門一錢一分七釐零黟一錢三分零績溪一錢二分零均依本科則攤於本地田畝隨徵耗羨婺源祁門每兩一錢休寧績溪八分歙黟七分五釐丁銀多少不同首各以州縣額丁

及地畝數均攤之也後山西以富人田少貧民種地代納丁銀不服至乾隆十年行者入十一州縣其孟縣等二十州縣丁徭地糧分額徵收道光元年孟縣改丁歸地其興縣等十九州縣如故貴州亦多分徵奉天臺灣及廣西之融縣亦丁地分徵也

乾隆八年一萬三百五萬口

授時通考安徽一千二百四十三萬五千三百六十一口

乾隆初年一萬六千餘萬口

乾隆十四年一萬七千七百四十九萬五千三十九丁

乾隆二十二年一萬九千三十四萬八千三百二十八丁

乾隆二十九年二萬五百五十九萬一千一十七丁

乾隆三十七年停五年編審之例各省督撫年底奏報民數穀

數戶部核實具題付之史館

六月十八日

謹案編審之例行者西惟鎮西府迪化州安西州東三省惟奉天錦州其未置府廳州縣地亦不入數

乾隆四十五年二萬七千七百餘萬口

乾隆四十八年二萬八千四百三萬三千七百五十五丁

乾隆四十九年二萬八千餘萬口

乾隆五十一年二萬九千一百四萬餘口

乾隆五十五年三萬一百六十二萬九千九十八名口

乾隆五十七年三萬七百四十六萬七千二百餘名口

嘉慶十一年十二月初七日

諭戶部奏進十年分民數數數比上年多至二千七百七十二

萬一百十九名

嘉慶十七年戶部冊三萬六千一百六十九萬一千二百三十

一名口

蘆案是年丁數安徽三千四百十六萬八千五百九十九丁口是年奏銷冊安徽民田三十四萬九百五頃三十五畝有零屯田四萬一千六百八十六頃五十畝有零蘆田三萬一千五百四十四頃七十二畝有零學田二百三十二頃十八畝有零五尺爲弓二百四十步爲畝三百六十步爲里

議案天下以戶口爲重古人或虞其昉漏言板藉者議論紛然自丁歸地而賦額不虧吏民不擾熙寧之盛皆康熙五十年

聖恩之所留今天下

皇恩浩蕩碑及亭卽當時士民共記此事者顧久之而人莫知所由然昔見舊賦役全書及通志府志州縣志於康熙五十年

一年以後戶口或題以滋生人丁或題以不加賦人丁因沿
改修並此名目無之士人日抱古書見談丁賦者多谿刻愁
苦之詞求之於時事而不見其迹不知古人何故作此語伏
誦

聖祖諭豈特有益於人亦一盛事也爰就所建見官書及京報
中之文排比之以諭修賦役全書及修志者共知

盛事原起焉道光二年九月初七日記

總河近事考 附編年姓名

河之南合於淮泗始宋金時宋時府州長吏兼河隄使通判兼河隄判官有都水監有外都水監有都大提舉有修河司金府州長貳提舉河防縣長貳勾管河防又有巡河官埽官皆屬州縣元泰定二年立行都水監於汴梁至正六年又立行都水監於鄆城爲總治河防使此總治專官之始明初以差遣成化七年有總理河道官八年裁正德三年設總理河道侍郎四年兼僉都御史駐濟寧嘉靖四十四年設總督河道漕運官旋裁隆慶四年總理河道官加提督軍務兩直隸山東河南有河地方兵備道俱屬焉萬厯六年裁總理河道總督漕運而設總理河漕官七年給山東河南北直南直巡撫專管河道以漕運兼河道十六年復設總督河道官駐濟寧二十六年又并總理河

清官三十年分河清三十三年以後稱總理河道亦稱總督河道
道天啟七年以中官總督河道

國朝順治時河道總督駐濟寧康熙十七年移清江浦二十七年移濟寧以侍郎開音布徐廷璽協理駐清江浦三十一年總河移清江浦三十九年裁協理四十四年山東河道交巡撫管理雍正二年設副總河於武陟三年以兩廣總督孔毓珣協理江南河道以前總河靳輔子參領靳治豫晉工部侍郎為協理五年以副總河管山東河南河務六年清江有侍講學士西桂內閣學士尹繼善僉都御史徐承恩協理協辦又靳治豫與奉天府丞黎致遠同在工七年分設南河河道總督駐清江浦改副總河為山東河南河道總督駐濟寧八年設直隸河道水利總督駐天津曰北河山東河南曰東河江南曰南河是為三河

四省而僉都御史朱藻協理東河九年設北河副總河於固安
又設東河副總河十一年南河總河嵇曾筠丁憂以高斌署理
命從嵇曾筠學習時嵇在任守制也十二年設南河副總河時
三河總河副總河凡六人乾隆元年裁東河副總河移南河副
總河駐徐州二年副總河俱裁六年復設南河副總河旋裁七
年兩江總督尹繼善協理河務十三年倉場侍郎張師載往江
南學習河務十四年張師載協辦河務改直隸河督事歸地方
總督管理兼支總河養廉於是三河總督河道凡二人而加南
河協辦河務官其後協辦歸巡漕御史南河以兩江總督總理
山東河南巡撫亦兼河務十八年布政使富勒赫南河學習河
務前總河白鍾山以按察使銜協理河務二十二年南河設副
總河二十三年裁而工部尚書嵇璜留工又以安徽巡撫高晉

協理分駐徐州三十年江蘇巡撫明德協理河務五十四年侍郎韓鐸幫辦河務嘉慶元年山東布政使康基田幫辦南河奏事列名總督總河後十年南河左營改徐州鎮仍聽總河師制十一年南河設副總河十五年裁十六年尚書吳璥幫辦南河奏事不列名十九年東河設副總河二十年裁道光二年巡漕御史裁六年南河設副總河九年裁十二年簡京官五品以下東河南河學習官制各記述不同因編年記其人使互檢焉

順治元年

河道總督楊方興

駐濟寧七月任
領白旗漢軍廣寧生員

十四年

楊方興

七月加太子太保子吉

朱之錫

七月授十月初二到任
義烏人丙戌建士康熙十二年

請封鄧駿龍四十五年
追封助順永寧侯爲河督

十七年

十五年朱之錫丁憂在任守制

朱之錫

四月假

楊茂勲

署

鑲紅旗漢軍監生

苗澄

以食部御史署

朱之

錫

十二月初三日回任

康熙五年

朱之錫

二月卒

盧崇峻

鑲黃旗漢軍官學生十一月調

楊茂勲

八年

楊茂勲

調

羅多

十年

羅多

二月調

王光裕

十六年

王光裕

二月

新輔文襄

六月授

鑲黃旗漢軍官學生官立祠

二十七年

十七年總河移清江浦

二十七年

仍移濟寧

初有南

北中三分司部員十七年三月裁撤其河道工程委

該地方監司府佐武管理二十三年十一月初十日
上臨視武政工謂新輔云爾前奏將南北河道各分司裁去
極好他們知得甚透河道不過每日打圍罷了又問高堰下
帶防護事宜云前番差人出來看俱是瞎看是看銀子罷了
見新文襲
治河書

新輔三月罷王新命四川文臺人人錄黃旗漢軍筆帖式

三十一年徐清江滿二十七年新輔于成龍俱奉差問音布

王新命二月罷董納署平原人選士新輔九月卒于成龍襄

鎮紅旗

漢軍蔭生

三十四年八月有馮佑協理

于成龍八月丁亥董安國

三十七年

董安國七月罷于成龍

三十九年三十八年有協理河務府尹徐廷璽江蘇巡撫宋奎
即中丞成格員外郎赫舒恩登德費揚古振文瑞任

總河奏其無用
撤回

于成龍 三月卒 徐廷璽 署 張鵬翮 文瑞 遂寧人 進士 大學

四十八年

四十一年效力內閣學士張榕端侍講張希良侍讀

丁易王 侍講員外建古禮王登魁 刑部主事程兆慶 內閣中

書楊守知 楊移中 書科中書張伯行

張鵬翮

十一月內遷

趙世顯

六十年

趙世顯

十一月罷

陳鵬年

恪勤

署

湘潭人 進士

雍正元年

陳鵬年

正月卒

齊蘇勒

勤恪

正白旗滿洲官學生與新文襄同列

二年

設副總河於武陟管北河 七月雲南布政使李尙有參

副總河

摺曾筠

文敏

四月授

皇朝奏議

五年

正月協辦

朱家驊

工部

十二月

新治豫以

工部侍郎

協理

先是三年廣督孔毓珣

副總河兼河南山東河務嵇曾筠

七年

六年正月侍讀學士內廷協理四月內閣學士尹繼善協

理

五月會都御史徐承恩協理又新治豫與奉天府丞黎

致遠同至前河

七年五月徐承恩升開學仍協理南河

是年河督分二副總河裁南河駐清江浦東河駐濟寧州

齊蘇勒二月卒尹繼善文瑞三月缺改者南河督

副總河嵇曾筠

三月缺裁補東河督四月署至十二月孔毓珣

主

江南河道總督尹繼善四月署至十二月孔毓珣

河南山東河道總督嵇曾筠三月授

八年九月會都御史朱藻協理北河

南孔毓珣

四月卒嵇曾筠署十月實授

東嵇曾筠

四月署南田文鏡署正黃旗沈廷正

九年

九月設東河副總河

東沈廷正 九月調 朱藻

東河副總河高斌

文定 鑲黃旗滿洲大學士
九月授

十年

東副高斌

三月調

孫國璽

十一月調

阿蘭泰

十一年

十一月派部院賢能司官二員往南河學習河務酌量
委辦估工查料等事以二年爲期或各回本任或保留

題補

南嵇曾筠

四月大學士仍管理

高斌署

十二年

總河嵇曾筠在任守制

七月設南河副總河

南高斌

七月回任

嵇曾筠

在任守制

南河副總河白鍾山

莊恪

正藍旗漢軍官學生

高斌

東朱藻

十二月調

白鍾山

東副阿蘭泰

十二月升

劉勳

十三年

南稻曾鈞

十二月總理海塘

高斌

南副高斌

四月同在

劉永滌

乾隆元年

裁東副總河

南副劉永澄

十一月調

德爾敏

東副劉勳

十一月罷

缺裁

二年

裁南副總河

南副德爾敏

四月調

缺裁

六年

二月設南副八月裁

南高斌

八月調

完顏偉

錢黃旗滿洲筆帖式

南副完顏偉

二月授八月升

缺裁

七年

南完顏偉

十二月調東白鍾山

東白鍾山

十二月調南完顏偉

十一年

八年二月兩江總督協理河務

南白鍾山

三月罷顧琮署鑲黃旗滿洲周學健新建人進士

十三年

是年三禮館進書列銜江南河道總督尹繼善是年

南周學健

閏七月罷高斌仍留南河十二月軍大學士

東完顏偉

三月內遷顧琮

十八年

十四年八月張師戰協辦南河十六年三月調安徽巡撫

副總河張師戰十八年富勒赫以布政使南河學習河務七月

月參河務獎賞是年清查河務錢糧又值漫口孫嘉淦奏河道應北行本傳未載見皇朝奏議十月白鍾山以按察使

南高斌

七月罷策楞署鑲黃旗滿洲世襲公尹繼善

十九年

東顧琮

二月

白鍾山

二十年

南河成案是年劉統勲署河督本傳在二十一年

南尹繼善

二月

富勒赫

二十一年

是年陳世倌奏減水壩事有棄雲梯閘外隄議

南富勒赫

十月

劉統勲

署

文正諸城人進士

愛必達

旗滿洲生員

二十二年

設南河副總河

南愛必達

正月

白鍾山

南副嵇璜

正月

授

文恭無錫人進士大學士

東白鍾山

正月

調南

張師載

榮發

候補人舉人蔭生

二十三年

裁南河副總河

安徽巡撫高晉協理南河伏沱秋

南副嵇璜

三月

內用

缺裁

文恭升工部尚書仍留查工程

三十六年 二十五年移清河縣治清江浦

南白鍾山 三月卒

高晉 文瑞 鑾黃旗滿洲大學士
文定姪叔姪總河

二十八年

東張師範

十一月卒

葉存仁

江夏人監生

二十九年

是年四月棄雲梯關外陞

東葉存仁

六月卒

李宏

正藍旗漢軍監生

三十年

三月南河總河高晉收兩江總督仍總理河務是年江蘇巡撫明德亦協理河務是後南河歸兩江總督總理

南高晉

三月兩江總督

李宏

東李宏

三月調南

李清時

三十二年

東李清時

七月卒

嵇璜

三十三年

東祐瑣

九月內遷

吳嗣爵

錢塘人進士

三十六年

南李宏

八月卒

吳嗣爵

東吳嗣爵

八月朔南

姚立德

錢塘人

四十一年

三十九年定銷六賄四項總河督撫分數

南吳嗣爵

三月內遷

陸載

四十四年

南薩載

正月兩江總督

李奉翰

庫道署尋資授

正藍旗漢

子總河

東姚立德

四月

袁守侗

長山人監生

陳輝祖

和陽人

四十五年

是年阿文成桂看海口言不與水爭地

南李奉翰

二月調東

陳輝祖

十二月調

李奉翰

東陳輝祖 二月調南 李奉翰 十二月調南 韓鏐 署尋寶授 畢節人貢生

四十七年 四十六年七月積璜有令河仍歸山東故道奏四十

南籌議遷移至四十九年興築於北六十餘里之堪陽本儀

封地也 七月丁亥 何裕城 署尋寶授 靖州人

四十八年

東何裕城 三月調 李奉翰 南河兼署 蔣第錫 吉州人舉人

五十四年

南李奉翰 三月調東 康基田 署 興縣人進士 蔣第錫

東蔣第錫 三月調南 李奉翰

嘉慶二年 乾隆五十五年侍郎韓鏐嘉慶元年山東布政使康

南蔣第錫 十二月卒 康基田

東李奉翰 九月兩江總督 康基田 十二月調南 司馬駒 江寧

嘉慶二年 九月兩江總督 康基田 十二月調南 司馬駒 江寧

生

四年

四月江督費淳更議南河總理條款江寧布政使孫日乘奏河工不得派地方官

東司馬駒

三月卒

吳璈錢塘人進士大學士前河督吳嗣爵子父子總河

五年

南康基田

二月罷

吳璈

東吳璈

二月調南

王秉翰

鑲黃旗漢軍舉人

七年

東王秉翰

七月卒

嵇承志

無錫人舉人文敏姪孫文恭姪三世總河

九年

南吳璈

十二月病

徐端

德清人監生

東嵇承志

四月內遷

徐端

十二月調南

李亨特

正藍旗漢軍監生

前河

督李宏孫李奉翰子三世總河

十一年 設南河副總河

南徐端 六月改副 戴均元 大庾人進士大學士

南河副總河徐端 六月授

東李亨特 四月罷 吳璫

十三年 議補還雲梯關外大堤

南戴均元 三月病 徐端

南副徐端 三月河督 那彥成 文毅 正白旗滿洲進士

東吳璫 六月內遷 馬慧裕

十四年

南徐端 正月改副 吳璫

南副那彥成 正月罷 徐端

東馬慧裕 七月調 陳鳳翔 崇仁人監生

十五年補還雲梯閣外南北大隄以次興築兩江總督松筠請引沁水至汝口覆查沁入河不可入衛又參吳璥徐端達灣取直徐端奏係遵照舊章程辦理是年裁南河副總河

南吳璥

八月病

徐端

十二月罷

蔣攸銛

鑲藍旗漢軍進士大

學士

十二月仍回

浙江巡撫

陳鳳翔

南副徐端

八月總河

缺裁

東陳鳳翔

十二月調南

李亨特

十七年

十六年尚書吳璥幫辦南河

南陳鳳翔

八月罷

黎世序

襄勤

羅山人進士有專祠

十八年

東李亨特

九月罷

戴均元

十九年

設東河副總河

東戴均元

正月內遣

吳璥

東副李鴻賓 五月授 德化人進士

二十年 裁東河副總河

東吳璫 正月內遷 李鴻賓署 三月 吳璫署 四月 李鴻賓乞養 李逢

亨 竹溪人副貢生

東副李鴻賓 正月署河督 缺裁

二十一年

東李逢亨 十一月 同永定河道任 葉觀潮 閩縣人舉人

二十四年 分派佐貳以知縣本銜升轉入則例 閩縣人舉人知縣揀分三河四省借補

東葉觀潮 八月署 李鴻賓 十月自陳 葉觀潮

二十五年

東葉觀潮 三月罷 吳璫 差前河 張文浩 會稽人監生

道光元年

卷十一

卷十一

三司求日查清刻

東張文浩

月丁卯

姚祖同

署錢塘人舉人

月

煇仁和人監生

四年

南黎世序

月卒

張文浩

十二月罷

嚴煇

東嚴煇

十二月調南

張井

膚施人進士

六年

設南河副總河

南嚴煇

三月調東

張井

東張井

三月調南

嚴煇

南河副總河潘錫恩

四月授

涇縣人進士

九年

裁南河副總河

南副潘錫恩

四月丁亥

缺裁

十一年

東嚴煥 十月病林則徐 候官人進士

十二年 閏九月 諭內閣 翰林六部都察院各保送一員引見
發東河南河學習二年爲期由河督分別送部引見及
咨同本任每兩年揀派一次其大挑試用照舊例

東林則徐 二月 吳邦慶 霸州人進士

十三年

正月派京員徐汝楨盧毓嵩德克金布往東河朱襄會
錫恩河後黃世銘往南河交總河差遣委用

南張井 三月 麟慶 同京持服

麟慶 同京持服 進士 張井 署 麟慶 九月

時憲書後葉事述

乾隆三十五年頒三十六年時憲書後葉紀年甲子兩周一百二十年其以前成例止載周甲六十歲也案宋時宋敏求春明退朝錄云至道二年十一月司天監請歷日甲子外更留二十年詔存兩周甲子共成上壽之數宋史太宗紀云至道二年十一月丁丑朔甲子天新歷後一百二十年甲子兩周律歷志三云至道二年司天冬官正楊文鑑上言新歷甲子請以百二十年有司以無所依據議寢之太宗曰支干相承雖止於六十儻再周甲子成上壽之數使期頤之人得見所生之年不亦善乎是宋有此制而退朝錄更留二十年當作六十年也范成大攬轡錄云金天輔元年至大定四年止四十八年小本歷通具百二十歲相屬某年生撰造重熙清寧咸雍太康大安壽隆乾統

天慶收國七十二年岳珂愧郾錄糾之云金天輔之前乃故遼年號非是撰造今案收國亦金年號金太祖於遼天慶五年稱帝紀元收國是兩說俱未審又不知范成大何以謂之小本歷其通紀一百二十年則宋遼金皆用其制今以范成大所見本推其式大凡四年一歲以次追列乾統五年六十歲乾統四年六十一歲重熙十四年百二十歲生也宋亦當用此式不知何時復用六十年至乾隆時又增之惟求古式卽以小本歷言若六十一歲生卽列於大定四年一歲生下不當復有乾統四年以前重熙等年號是所列爲百二十行今民間所用本止六十行蓋乾隆時監中以惜紙起見按宋史宦官閭文應傳宮中謂歷日爲百葉古本葉多也葉多則百二十行六十一歲人得見所生之甲子亦得見所生之紀年此古今本不同也又時憲書

冊尾外葉嘉慶二十一年十一月刪除翻刻官本無欽天監時
憲書印云云其市肆選擇別本亦不禁也

板閘喻

明於臨清汶口塹閘下置板閘其法至善所謂下行則灌塘上行則倒塘凡閘河之制皆如此塹壩灌塘倒塘亦如此然而文雅之儒不能知也則爲之喻曰明嘉靖三十四年春倭至塘棲浙江巡撫開杭州城鄉人號泣於城下提督學政僉事道阮鶚請啟內門列兵月城中卽閉內門開外門檢收鄉民滿月城則閉外門檢實開內門納之又閉內門開外門以納民而奸人不關入卽兩開法也然而杖策趨工之人不能知也則又爲之喻曰虎生三子二虎一彪彪能害虎將渡水虎母遲迴久之乃負彪過旣乃負一虎過遲迴久之乃負彪反置之而負一虎過卒乃復負彪過其三負彪卽兩開法也

除樂戶丐戶籍及女樂考附古事

開國方略崇德三年秋七月丁丑

諭曰禮部承政祝世昌奏請禁止陣獲良人婦女賣充樂戶一疏祝世昌豈不知樂戶一事朕已禁革

貳臣傳館稿崇德三年祝世昌疏言俘獲敵人婦女有籍入樂戶者請概釋奉

旨交諸漢官會議石廷柱馬光遠等謂世昌心護敵人與奸細無異應論死籍沒

命從寬流徙西北邊境順治二年召還終侍郎謚僖靖

康熙會典教坊司順治初凡

東朝行禮筵宴用領樂官妻四名領女樂二十四名隨鐘鼓司引進在宮內排列作樂

欽定八旗通志職官順治元年沿明制設教坊司以掌宮懸大樂

京報順治八年六月戊申定

皇太后

皇后樂用丹陛樂樂入太監二十四名

康熙會典教坊司順治八年改女樂用太監四十八名

大清會典事例樂部典樂順治八年奉

旨停止教坊司婦女入宮承應更用內監

按着雲樓雜說云順治壬辰禁良爲娼以喪亂後良家女被

掠展轉流落樂籍其誤落於娼家許平價贖歸壬辰九年也

康熙會典教坊司順治十二年復用女樂四十八名

皇朝通考樂考樂舞臣等謹案云初制分太常教坊二部教坊

則由各省樂戶挑選入京充補順治八年停止女樂用太監十二年仍改女樂至十六年復改用太監遂爲定制

雍正會典刑部名例上雍正三年律例館引順治十六年裁革女樂

康熙會典教坊司順治十六年添設

慈寧宮中中和韶樂俱用太監演習

原注現行例同雍正會典及注並同

雍正會典禮部進春儀康熙十二年覆準直省府州縣拜迎芒神土牛勒令提取伶人娼婦者嚴行禁止

按香祖筆記云揚州舊例府僚迎春瓊花觀以妓騎導太守節推各四人同知以下二人歸而宴以侑酒府吏因緣爲姦利子語太守罷之按文簡以順治十六年得揚州推官康熙五年行取北上所言蓋在康熙十二年官禁之前又按畫舫

錄云先沿明樂戶立春前一日令官妓扮社火春夢婆一春
姐二春吏一皂隸二春官一至康熙間裁樂戶遂無官妓以
燈節花鼓中色目替之

京報雍正元年夏四月戊辰除山西陝西教坊樂籍改業爲良
秋九月丙申除紹興惰民丐籍

皇朝文獻通考

王禮考

泰陵聖德神功碑自明初紹興有惰民靖難後諸臣有抗命者
子女多發山西爲樂戶數百年相沿未革一旦去籍爲良民
命下之日人皆流涕

皇朝通志食貨略五雍正元年時山西省有曰樂籍浙江紹興
府有曰惰民江南徽州府有曰伴傭寧國府有曰世僕蘇州之

常執昭文二縣有日丐戶廣東省有日蚤戶者該地方視為卑賤之流不得與齊民同列甲戶

上甚憫之俱令削除其籍與編氓同列而江西浙江福建又有所謂棚民廣東有所謂寮民亦照保甲之法按戶稽查臣等謹案樂籍因明永樂時不附靖難兵遂編爲樂籍世世不得爲良者

大清會典樂部典樂雍正元年始除樂戶籍更選精通音樂之人充教坊樂工

八旗通志職官同

條例約編

安徽布政使司刊行本

禮部區別流品乾隆三十一年部文引

雍正元年禮部覆準御史噶爾泰條奏紹興府八邑之惰民行令該撫削除其籍俾其改業自新毋得習爲汙賤奉

旨允行

條例約編禮部區別流品乾隆三十六年部覆山西學政劉導
條奏引雍正元年御史年熙囑爾泰先後奏準山陝樂戶浙江
丐戶行令該撫除其賤籍俾改業自新得爲良民

雍正會典刑部名例上雍正三年律例館奏準今各省俱無在
官樂工順治十六年裁革女樂後京城教坊司並無女子

京報雍正五年夏四月癸丑

諭習俗相沿不能振拔者咸與以自新之路如山西之樂戶浙
江之惰民皆除其賤籍使爲良民所以勵廉恥而廣風化也

雍正會典刑部戶律戶役一各省樂籍並浙省惰民丐戶皆令

稽查削籍改業爲良

雍正五年定本

八旗通志職官雍正七年收教坊司爲和聲署

通考職官考同

高宗純皇帝御製詩二集辛未和聲署詩序向來和聲署禮部

主之過正朝慶貨取市販鼓吹者流充其數音節舛錯不可問
既審訂音律乃命易以內府承值

京報乾隆三十六年夏六月庚辰禮部議覆陝西學政劉墀山
陝之樂戶浙江之丐戶雖編籍出來無可確據而其相承舊業
實屬卑汙應請以報官改業之人爲如下逮四世清白自守方
許報捐應試其廣東之鬻戶浙江之情民九姓漁戶及各省凡
有似此者均照此辦理

高宗純皇帝御製詩四集丁酉用白居易新樂府上陽白髮人
我朝初亦歷代沿康熙年間其數不盈千雍正其數更減十之
七乾隆無一女樂達今四十年

欽定日下舊聞考

乾隆四十八年書應敬堃寫字
面皆一律平擗今人多依此式

內城東城一

新津日記京師皇華坊有東院有本司衙衛本司者教坊司也

又有勾欄衛術演樂衛術相近復有馬姑娘宋姑娘衛術粉子
衛術出城則有南院皆舊日之北里也臣等謹案本司衛術勾
欄衛術馬姑娘衛術在四牌樓南宋姑娘衛術粉子衛術在四
牌樓北今雖仍其名而明時汙俗洗滌盡矣

此案應補演樂衛術今改服弄衛術

在四牌樓南

京報乾隆五十九年夏五月戊戌

諭至於女樂自卽位以來卽不用

附古事

左傳襄公二十三年正義云近世魏律緣坐配没工樂雜戶者
皆用赤紙爲籍其卷以鈔爲軸魏書刑法志云孝昌以後天下
淆亂法令不恆或寬或猛及爾朱擅權輕重肆意在官者多以
深酷爲能至遷鄴京畿羣盜頗起有司奏立嚴制凡強盜殺人

者首從皆斬妻子及同籍配爲樂戶其不殺人及贓不滿五匹
魁首斬從者死妻子亦爲樂戶小盜贓十匹以上魁首死妻子
配驛從者流後以孫騰言復用律令此實樂戶沒籍之初見按
左傳云斐豹隸也著於丹書隸卽周官司厲入於罪隸之隸隸
卽樂人新序雜事四云鍾子期夜聞擊磬聲者而悲旦召問之
對曰臣之父殺人而不得臣之母得而爲公家隸臣得而爲公
家磬磬臣不覩臣之母三年矣昨日爲舍市而覩之意欲贖之
無財身又公家之有也然則隸爲樂工又女在市又身爲公家
之有卽樂戶矣樂戶卽營戶者晉書樵採傳云益州營戶李騰
開城納縱營戶軍士職不同也魏書文帝紀云沃野統萬二鎮
數勒叛滅之徙其遺迸於冀定相三州爲營戶按隋書梁彥先
傳云初齊亡後相州衣冠士人多遷關內惟技巧商販及樂戶

之家移貴州郭當卽魏時所移收勒營戶魏書食貨志云天興
中詔採諸漏戶於是雜營戶卽徧於天下不隸守宰始光三年
詔一切罷之以屬郡縣是年紀不載而閩宦仇洛齊傳有之其
後則高祖時蔣少游傳云以齊樂安人被獲入平城爲平齊戶
則亦郡縣雜戶也北齊書後主紀云武平七年二月括雜戶女
年二十以下十四以上未嫁者悉集省隱匿者家長處死刑南
史沈慶之傳亦云慶之前後所獲羣盜並移都下以爲營戶是南
北朝營戶多係獲虜魏則兼及強盜妻子按漢書李陵傳云時
關東羣盜妻子徙邊者爲卒妻婦大匿車中謂載衣糧車也則
其法亦非魏所創立也又古女子入春人藥人三國時魏志毛
玠傳云黥面反者其妻子沒爲奴婢鍾繇言漢律罪人妻子沒
爲奴婢黥面今眞奴婢祖先有罪雖歷百世猶有黥面供官則

是內沒掖庭外配驛配兵戶籍不脫實爲虐政隋書刑法志云
魏晉相承死罪重者妻子皆以補兵魏虜西涼之人沒入名爲
隸戶後齊因之建德六年平齊詔凡諸雜戶悉放爲百姓自是
無復雜戶是其事宇文周時一清滌矣隋書萬寶常傳云父大
通梁人也歸於齊謀還江南事泄被誅寶常被配爲樂戶是又
以時配入者裴蘊傳云大業初奏括天下周齊梁陳樂家子弟
皆爲樂戶增益樂人至三萬餘唐律名例三疏議云工戶屬少
府樂戶屬太常並不貫州縣雜戶屬諸司舊唐書職官志都官
云坐沒官奴婢一免爲蕃戶再免爲雜戶三免爲良人唐書百
官志云其籍仲冬按比樂工及獸醫等取焉是籍沒奴婢亦樂
工太宗諸子傳云永乾命戶奴數十百人專習伎樂謂之戶奴
者是爲奴入樂戶蕃戶也爲奴之官婢漢官舊儀云給使尙書

侍中皆使官婢宮殿中宦者署郎署皆官奴婢其法給尙書郎女侍史二人皆選端正者從直女侍史自止車門執香爐燒熏從入臺護衣事同妓妾而無常夫張安世傳云郎淫官婢婢兄告之安世言奴用志怒汗誣衣冠劉歆與楊雄書言五官中郎旧儀與官婢陳徵駉驛等姦汗私通盜刷越巾楊雄復書言儀淫迹汗暴於官朝嵇康高士傳云北海王君公以明易爲郎自汗與官婢通免歸古旣使官婢從直又以私通爲罪其制不可曉王莽傳云民犯鑄錢伍人相坐沒入爲官奴婢其文數見至十一年則云到者易其夫婦是男女分隸故別給配後漢書劉盆子傳光武言赤眉獨有三善攻破城邑周徧天下本故妻婦無所改易此一善也蓋收城邑民安如故不擄略無給配也若擄略爲奴則不歸於其夫或掖庭籍沒唐書肅宗女和政公主

傳云同布思妻隸掖庭帝宴使衣綠衣爲倡是唐以前爲奴掖
庭卽爲倡也北史崔昂傳云律文婦女年六十以上免配官唐
則六十皆一切爲蕃戶七十皆一切爲良亦謂其不足使耳輟
耕錄云今以妓爲官奴卽古官婢按唐書林蘊傳云爲邵州杖
殺客陶元之投其尸江中籍其妻爲倡是倡卽官婢推夏時有
女樂管子輕重甲云昔者桀之時女樂三萬人端諫晨樂聞於
三衢是無不衣文繡衣裳者伊尹以薄之游女工文繡纂組一
純得粟百鍾於桀之國墨子文亦同鹽鐵論力耕篇云桀女樂
充宮室而女樂終廢其國其女樂不知以何等入爲之春秋時
陳使婦人飲宋萬酒鄭賂晉悼公女樂二八齊饋魯女樂韓詩
外傳云越攻吳諸侯畏其威魯往進女監門之女嬰其姊與焉
兄往視之道畏而死古或以繫虜敵國婦人爲女樂又或淇汭

自不以道取民亦非盡由卒戣也齊桓公時女閭蓋就其類區
別之如士卿工鄉之義太平御覽引吳越春秋云越王句踐輸
有過寡婦於山上使士之憂思者遊之以娛其意今趙書無其
文當是楊方書也越絕書云獨婦山者句踐將伐吳徒寡婦置
獨山上以爲死士示得專一也後之說者蓋句踐所以遊軍士
也是時有遊軍士之說越絕以意辨之然古實有軍市書費誓
云臣妾逋逃無越逐又云寇攘踰垣牆誘臣妾則軍中有妾別
置垣牆夏官量人云營軍之壘舍量其市朝州涂軍社之所里
商子墾令篇云令軍市無有女子輕情之民不遊軍市則農民
不淫知軍市本有女子行軍時臣妾役罷別置市區仍以軍名
之農民亦得遊焉卽女閭之謂軍營有鼓吹故女樂獨在軍營
太常無有也漢書馮唐傳云趙將李牧軍市之和皆自用饗士

漢魏尚爲雲中守軍市租盡以饗士卒是軍有市如齊女閭之
入胡建傳云監軍御史穿北軍壘垣以爲賈區建爲軍正丞斬
御史亦見說苑指武備蓋屯衛之軍市垣事同費誓垣牆改爲
賈區則姦利也漢書丙吉傳云爲車騎將軍軍市令後漢書蔡
遵爲光武軍市令是一軍各一市而越累及寡婦秦發女子無
夫家者萬五千予尉佗魏武帝錄寡婦以配軍士魏志杜畿傳
注引魏略云初畿在郡東被書錄寡婦他郡或有自相配嫁依
書皆錄奪謂追錄聞書後畿但取寡者止據及趙儼代畿所送
多謂更畿曰前所錄亡者妻今儼送生人婦也明帝紀注引魏
略云吳蜀數勳帝錄奪士女前已嫁爲吏民妻者還以配士旣
聽以生口自贖又簡選有姿色者納之後庭北齊書神武紀云
武定三年十月釋芒山俘配以民間寡婦衣宣紀云天保六年

三月發寡婦配軍士七年九月發山東寡婦二千六百人以配軍士有夫而濫奪者五分之一隋書煬帝紀云大業十三年九月帝括江都人女寡婦以配從兵裴矩傳云矩召江都境內寡婦及未嫁女皆集宮監又召將帥及兵等悉其所取因聽自首先有姦通婦女及尼女冠等並卽配之明沈德符野獲編云正德時在揚州刷處女寡婦又云凡刷婦女之所見人頭懸挂滿壁非必有過寡婦也亦汙於軍令是爲人倫奇厄魏晉補兵之法亦是刑家寡婦官抑配之南朝宋制劫盜同籍期親補兵薄道舉爲劫其叔母以例補兵則宋文帝時事隋書刑法志言梁制大逆者母妻姊妹及從坐者妻子妾女同補奚官爲奴婢其劫盜者妻子補兵補兵或得配軍士或入軍市奚官奴婢爲倡宋書後廢帝紀云與右衛營女子私通每從之遊持數千錢爲

酒肉費齊書前廢帝紀云夜開後閣與左右淫宴諸營署皆軍
市也唐則曰營伎亦曰官使婦人舊唐書宇文融傳云廣集兩
縣官使婦人唱之是也樂府解題引作官伎女子是未解名義
營伎亦曰風聲婦人取古文尙書表厥井里樹之風聲之義言
各爲一市唐語林云牛僧孺謂杜牧曰風聲婦人有顧盼者又
云牧子晦辭過常州舂妓朱良守李瞻以良贈行曰風聲敗人
員外何必爲之大哭是也新唐書董晉傳云孟叔度數入倡家
舊唐書傳作數至樂營與諸婦人譚戲談賓錄亦同北夢瑣言
云東川董璋開筵李仁矩不至乃與營伎曲宴又司空圖詩云
處處亭臺止壞牆軍營人學內人裝是唐伎盡屬樂營其籍則
屬太常故堂牒可追之五代史王峻傳云相州安陽人父豐本
郡樂營使洞微志云朱景德時馮取唱馭子十四姨言此曲

單州營妓教頭葛大姊所撰梁祖付後騎唱之名葛大姊後謂

囑歌子是五代樂營配兵有使有教頭玉堂閒話云晉乙未歲

時唐清泰二年鄭州民及軍營婦女填咽道路載錯絲小旗子

晉祖屯新州插僕射殿中宋史王景傳云晉時封涼陽公謂高祖曰臣昔爲

卒背負胡牀從隊長出入屢過官妓使小師家意甚慕之是晉

時有樂營婦女官妓也五代史晉書桑維翰傳云相州管內所

獲盜賊皆籍沒其財產言是河朔舊例釋贖以律無明文具奏

之詔今後凡有賊人準格律定罪不得沒納家貲天下諸州準

此處分晉書高帝紀在天福四年已亥九月辛巳刑法志亦同

原盜賊家屬配兵其人已亡沒家貲配沒律文所不載而相州

有之與隋梁彥先傳同蓋沿魏齊周隋之俗不用律文諸州準

此今詔家貲不沒納則必留其人不配兵入樂營是其事至後

晉時又一清濂矣其舊配籍者故在也宋時官妓名弟子熙豐
日歷云均州奏言編管練亨甫與兄勅弟冲甫收養女弟子魯
麗華踰濫毆打樂營將申舉送司理院照對朱子文集按唐仲
友第三狀云悅管伎嚴蕊欲係以歸又云都行首嚴蕊是亦以
軍行名程大昌演繁露云今謂優女爲弟子命伶魁爲樂營將
朱亥萍洲可談云娼婦諸郡禁徽官以伴女囚近世以迎使客
侍宴謂之弟子其魁謂之行首禮志賜醺云自丹鳳樓前至朱
雀門集開封府諸縣及諸軍樂人列於御街則宋時有隸軍者
有隸郡者宋史仁宗紀云天聖九年閏九月詔營婦配南北作
坊者釋之刑法志三云婦人應配則以妻黨務或車營致遠務
卒之無家者著爲法叛臣傳云初張邦昌居內廷華國靖恭夫
人李氏擁邦昌高宗下李氏獄詞服賜邦昌死李氏杖背配潭

營務是先朝官掖有秋者亦爲營婦配作坊夢梁錄云紹興時楊沂中於杭城內外創立瓦舍招集妓樂以爲軍卒暇日嬉戲之地謂之瓦者沿北朝契丹瓦里之省仍屬軍營又官酤用妓王栴燕翼貽謀錄云熙寧新法行散青苗錢於設廳而置酒肆於譙門民持錢出者誘使飲合妓女坐肆作樂差兵官列柳杖以彈壓之名曰設法賣酒南渡官賣酒列妓樂無復彈壓之制清波雜志云權酤恐飲不多課不羨甚至設法集妓文以誘其來夢梁錄云酒庫皆有官名角妓設法賣酒此又軍瓦之外宋政之醜者也朱汴京時謂之河橋雜戶遼謂之瓦里金謂之監戶遼史百官志云某瓦里抹鶴國語解云抹鶴瓦里司之官十二宮職名云某瓦里內族外戚世官犯罪沒入瓦里營衛志云籍沒著帳戶伶官皆充之兵志云宮衛有瓦里七十四刑法志

云籍沒之法首惡之屬沒入瓦里金史刑法志無文食貨志云
凡沒入官良人隸官籍監爲監戶沒入官奴婢隸太府監爲官
戶又云本戶漢戶契丹戶餘謂之雜戶無樂戶之目而百官志
官籍監掌內外監戶地土錢帛小大差撥其教坊提點自隸宣
徽院歸潛志云御史大夫合住因事至宿州紇石烈牙互帶鎮
宿泗使妓侍宸遲明將發使妓開合住篋取繒帛日豈有官使
人而不與錢者是金內外皆有官妓也元亦有官妓蓋土娼流
娼因籍之輟耕錄實谷筆談並云玉堂設宴歌妓羅列有名資
後賣入娼家姚文公遣使詣丞相三寶奴請爲落籍此猶史記
貨殖列傳言倡優女子奔富厚漢書禮樂志言庶人以求財或
爲親所賣或爲人略賣韓詩外傳言楚樊姬遣人之梁卿之間
求美人進之於王舊唐書李絳傳云元和時教坊忽傳密旨取

其家士女及衣冠別第故人將論奏帝曰教坊不喻朕意朕緣
丹王以下四人院中都無侍者令於樂工中及閭里有情願者
厚與錢帛祇取四人四王各與一人亦買賣人也宋人厚德錄
言倡優在杭州養良家女爲己子沈內翰文通知州奪歸其父
母宋史言高宗罷廉州貢珠繼登丁自便而其後番戶船仍習
卑汙亦其祖也明史劉基傳云會以旱求言基奏吳將士降者
皆編軍戶足于和氣解縉傳云洪武二十一年封事言太常非
俗樂可肄官妓非人道所爲爲善者妻子未必蒙榮有過者里
胥必陷其罪律以人倫爲重而有配給婦女之條劉辰國初事
顯云太祖立富樂院於乾道橋復移武定橋後以各處將官妓
飲生事盡起妓女赴京入院是洪武時制以舊樂籍人及據獲
降附人爲樂婦及給配人其姦汙熟所不免若抑勒姦宿淫賤

見之詔旨科條者實始於永樂王世貞弇州史料南京法司所
記云永樂二年十二月十二日教坊司題卓敬女楊奴牛景先
妻劉氏合無照依謝昇妻韓氏例送淇園公處轉營姦宿檢明
史邱福傳封淇園公爲中軍都督府左都督是仍在京師也南
京法司所記又云永樂十一年正月十一日教坊司於右順門
口奏齊泰姊及外甥媳婦又黃子澄妹四個婦人每一日一夜
二十餘條漢子看守着年少的都有身孕除生子令做小龜子
又有三歲女子奏請聖旨奉欽依由他不的到長大便是個淫
賤材兒又奏當初黃子澄妻生一個小厮如今十歲也奉欽依
都由他國朝典故立齋閒錄同又云錄鉉妻楊氏年三十五送
教坊司茅大芳妻張氏年五十六送教坊司張氏病故教坊司
安致於奉天門奏奉聖旨分付上元縣擡出門去着狗喫了欽

此大芳有希董集言妻張氏及女媳皆死於井未乾弇州史料

送書葬其家又錄公妻女亦以死殉與此不同

立齋開錄鄭曉今言黃光昇昭代典則並言仁宗卽位永樂二

十二年十一月御札禮部尙書呂震三書作禮部昭曰建文中

姦臣家屬初發教坊錦衣衛流衣局習匠功臣家奴今有存者

並宥爲民給還田土而明史仁宗本紀止云十二月癸酉宥建

文諸臣外戚全家戍邊者留一人餘悉放還呂震傳則無之此

事古今奇聞也大明會典九十五云景泰七年議準原係民戶

今爲樂戶許令改正其樂戶內有願從良者聽其自首與民一

體當差是已有豁除之機惜景泰不終於位不復承行其媚妓

見外紀者何喬遠名山藏江旭升皇明通紀集要陸廢中禁此

楊慎云此書並云嘉靖十年十一月盱眙縣民何雄有二女欲

本梁億所撰歸樂籍乃自溺死詔立雙貞祠祀焉事有年月奏案而明史列

女無之檢一統志

乾隆年修本

及江南通志

趙宏本

則是雄養女一名

春景一名進喜投淮水死水爲逆流亦不載立祠其事官私書
雜出又野獲編言口外四絕一曰大同娼娘大同代簡王所封
樂戶較他藩多數倍今在花籍者尙二千人京師城內外不隸
三院者大抵皆大同籍中溢出流寓古所謂路岐散樂者是也
明官私妓如此呂慈明朝小史載史可法檄云齊姜宋子相率
而入平康乃軍市沒教坊之流禍致李闖旋之明臣嗚呼孽矣
古今言樂戶者多引爲淫昏口實不究其原與其所以異又或
官爲立制又斥其無廉恥爲遇却之以網其賄又軍中婦女被
法抑配宋史明銷傳云知并州守堡寨軍行娼婦多從之銷欲
驅逐惡傷士卒心會有憤爭殺娼婦者吏執以白鎬鎬日彼來
軍中何也娼婦聞之皆散走兵暫出戍不當有女樂鎬爲不

卷十二
三
悉者深得權術之宜漢書李陵傳云搜得皆劍斬之本係抑配
女子陵之所行與流賊土寇何異自三代至明惟宇文周武帝
後晉高帝金元及明景帝於法寬假之而尙存其舊餘皆視為
固然

本朝盡去其籍而天地爲之廓清矣漢儒歌頌朝廷功德自云
舒憤懣除樂戶之事誠可云舒憤懣者故列古語瑣事之實有
關因革者如此